



Alþingi
Erindi nr. P 125/388
komudagur 7.12.199

Iðnaðar- og viðskiptaráðuneyti

Minnisblað

Viðtakandi: Efnahags- og viðskiptanefnd
Sendandi: Viðskiptaráðuneyti *Bjarki*
Dagsetning: 6. desember 1999
Málsnúmer: IVR199900324
Bréfalykill: 52.010

Efni: Svar við spurningum Jóhönnu Sigurðardóttur um frumvarp um sölu 15% af Landsbanka og Búnaðarbanka

Vísað er til spurninga sem Jóhanna Sigurðardóttir lagði fram á fundi efnahags- og viðskiptanefndar mánudaginn 6. desember. Hér á eftir er leitast við að svara þeim spurningum sem Jóhanna beindi til ráðuneytisins.

Hvaða áætlanir liggja fyrir um sölu á Landsbanka og Búnaðarbanka á kjörtímabilinu? (5)

Skv. stefnuvirlýsingi ríkisstjórnarinnar er stefnt að sölu bankanna á kjörtímabilinu en ekki liggur fyrir með hvaða hætti það verði gert. Vísast í þessu sambandi til almennra athugasemda við frumvarp viðskiptaráðherra um breytingu á lögum um stofnun hlutafélaga um Landsbanka Íslands og Búnaðarbanka Íslands, en þar segir: „Ekki liggur fyrir hvernig ríkið hyggst selja afganginn af hlutabréfum sínum í Landsbanka og Búnaðarbanka. Ákvörðun um sölu bankanna mun mjög mótað af aðstæðum á markaði á hverjum tíma. Stefnumótun um sölu bankanna er í höndum ráðherranefndar um einkavæðingu, en í henni sitja forsætisráðherra, utanríkisráðherra, fjármálaráðherra og viðskiptaráðherra. Í stefnuvirlýsingi ríkisstjórnarinnar kemur fram að „hlutabréf í ríkisbönkunum verði seld með það að markmiði að ná fram hagræðingu á fjármagnsmarkaði en tryggja um leið virka samkeppni á markaðnum til að ná fram ódýrari þjónustu. Við söluna verði þess gætt að ríkið fái hámarksverð fyrir eign sína í bönkunum.“

Er æskilegt/nauðsynlegt að stefnumótun/markmið og fyrirfram mótaðar áætlanir liggi fyrir um framtíðarþróun á fjármálamaðra og einkavæðingu banka áður en ráðist er í sölu á fjármálastofnunum í ríkiseign? (6)

Það er æskilegt fyrir fjármagnsmarkaðinn að ríkið, sem meirihluta eigandi tveggja viðskiptabanka, hafi markað þá stefnu að selja hlutabréf í bönkunum á kjörtímabilinu og ákveðið hvað eigi að liggja til grundvallar sölunni. Slík stefnumörkun kemur fram í stefnuvirlýsingi ríkisstjórnarinnar. Ríkisstjórin vinnur að sölu bankanna með stefnumörkun um hagræðingu að leiðarljósi en ekki er unnt að kortleggja til langa tíma til hvaða aðgerða er rétt að grípa á hverjum tíma til að ná því markmiði með sem hagkvæmustum hætti. Fjárfestar þurfa að taka ákvörðun um hvort þeir skrifi sig fyrir bréfum í áskrift eða geri tilboð í tilboðssölu í Landsbanka og Búnaðarbanka á grundvelli þeirra bestu upplýsinga sem fyrir liggja þegar útboðið

fer fram og gefnar eru í útboðslýsingu.

Eru uppi áform af hálfu ríkisstjórnarinnar/viðskiptaráðherra að stuðla að samruna í bankakerfinu? (15)

Viðskiptaráðuneytið telur að hagræðing á bankamarkaði geti falist í því að auka samvinnu banka eða sameina þá. Mestu máli skiptir að efla bankana og styrkja, meðal annars til að þeir geti betur sinnt sístækkandi íslenskum fyrirtækjum og verið samkeppnisfærari við erlenda banka. Að þessu vill viðskiptaráðuneytið stuðla.

Hver voru útlánatöp Landsbanka og Búnaðarbanka á árinu 1998 og hver hefur þróunin verið á afskriftarreikningi útlána hjá þessum bönkum? Fá yfirlit yfir hagnað/tap innlánsstofnana s.l. 5 ár? (16)

Framlag í afskriftarreikning í Landsbanka og Búnaðarbanka hefur verið með eftirfarandi hætti í m.kr.:

	Landsbanki	Búnaðarbanki
1998	1.000	678
1997	1.013	399
1996	1.300	405
1995	1.500	509
1994	2.112	651

Hvað yfirlit yfir rekstur innlánsstofnana varðar, vísast til töflu 4. í athugasemdum við frumvarpið.